

# **SECZIUN PÉZ AULT**

PROTOCOL DALLA RADUNONZA GENERALA

DILS 28-01-2022 ALLAS 20.00 URAS

ELL'AULA A VELLA





---

**Tractandas:**

1. Beinvegns ed elecziun dils dumbravuschs
2. Approbaziun dil protocol dalla radunonza generala dils 15-10-2021
3. Rapports annuals
4. Rendaquen dil cassier, rapport annual dils revisurs ed approbaziun dil quen annual
5. Fixar las contribuziuns annualas
6. Prender conclus davart propostas permauns dalla suprastanza centrala dalla uniun da catschadurs cantunala
7. Approbaziun dil program annual
8. Honoraziuns / mutaziuns
9. Elecziuns per ina perioda d'uffeci da dus onns
10. Elecziun dils delegai dalla secziun per il cuoz d'in onn
11. Diversas informaziuns
12. Varia



## 1. Beinvegni ed elecziun dils dumbravuschs

Il president Martin Mark arva la radunonza allas 19.59 uras e fa a tuts presents in cordial beinvegni. In special beinvegni va al survigilader da catscha Arnold Caminada.

Las tractandas vegnan approbadas tenor l'invitaziun. Il president constatetscha che la radunonza ei habla da decider.

**Presents:** 24 commembers

**Perstgisas:** Sven Cadonau, Anton Casanova, Manuel Eicher, Zievi Derungs, Marco Blumenthal, Stanislaus Capaul, Rino Caduff, Daniel Solèr, Samuel Caviezel, Marina Caminada, Alexi Derungs, Marcel Casanova, Pirmina Caminada, Boris Caduff, Roland Casanova

Sco dumbravuschs vegnan Pius Casanova e Franz Casanova proponi ed eligi unanimamein.

## 2. Approbaziun dil protocol dalla radunonza generala dils 15-10-2021

Ils presents han neginas objecziuns ni cumpletaziuns enviers il protocol, il qual vegn approbaus unanimamein. Il president engrazia a Vanessa Derungs per il protocol.



### 3. Rapports annuals

#### President:

Preziadas catschaduras, preziai catschadurs

Miu giavisch, che la veta da sécziun vegni megliera, ei deplorablamein buca ius en vigur dil tuttfatg. Igl ei iu vinavon cun la medema canzun. La radunonza generala havein stuschau sin in termin buca deffinau.

La radunonza da presidents che havess giu liug a Favugn ei buca vegnida fatga.

Suenter divers discuors culs organisaturs dalla sera da catschadurs havein era lezza buca saviu menar atras.

La radunonza da primavera havein era buca fatg, denton eis ei vegniu votau giu a scret sur dallas propostas per la radunonza da delegai.

Il 17 d'avrel havein fatg nies gi da tgira. Silsuenter ei la radunonza da delegai era puspei vegnida getga giu, sco era ils cuors da repetiziun dil capo tiradurs. Ils cuors per novs capo tiradurs han denton giu liug, nua che mia paucadad ha priu part.

Miez matg entochen fin vost havein saviu exercitar da sittar ed era far il programm obligatoric per retrer las patentas.

Il 7 d'uost ha la sécziun, sut il tgamun da Daniel Solèr, fatg tgira sil fil da sernastga. Nus vein dismiss da bia material che schischeva entuorn e vegneva buca pli duvrau. Ad Andrea Caviezel, che ha scret in artechel sur da quei di, tut ils tals che han segidau e naturalmein era als tals che han organisau in grond engraziament.

In'jamana pli tard, il 14 d'uost havein menau atras nies tir intern, nua che 34 tiradurs han priu part.

Suenter la catsch'aulta havein finalmein saviu prender suenter la radunonza generala. Da quella ei la nova actura Vanessa Derungs vegnida elegida ed igl ei vegniu decidiu da schar far giaccas e libroc per representar la sécziun. Engraziel fetg a Marius Hublard che ha adattau e luvrau si il logo.

Il 15 da december sundel jeu staus alla radunonza dil district 2.

Fin december havess il marcau da daniev giu liug, quel ei denton era vegnius getgs giu.

Sco davos engraziel a mes consuprastonts e consuprastonta per lur buna e premurada lavur per nossa sécziun. Igl ei stau emperneivel da luvrar ensemen cun vus. Era a tut ils auters ch'ei sengaschai en ina moda ni l'otra per nossa sécziun in grond engraziament.

Morissen, schaner 2021

Martin Mark, president

Il rapport vegn appropaus unanimamein. L'actura Vanessa Derungs engrazia al president Martin Mark per sia buna lavur.



**Cau da tgira:**

Preziai consuprastonz, preziadas catschaduras, preziaj catschadurs

Per quei onn vai jeu giu 3 candidats per far tgira. Sven Casanova, Lucian Alig ed Marco Blumenthal han fatg grondiusas lavurs. Sco per exempel far schurmetgs da viaza, mantener ils biotops ni cun montar petgas per las zonas da ruaus enta Vrin. Bu mo ils candidats han fatg buna lavur denton era ina part da vus ! Fuss ei stau il gi da tgira, sco era il gi che nus havein priu enzemen la seiv da serenastgia. Ei ha legrau mei da saver rumiar ensemen la seiv cun tonts catschadurs ed catschaduras. Tochen che la seiv era tier la deponia, havein nus prestau 189 uras ed encassau ina summa da 2'000.-Fr.

Per uonn veinsa dus novs candidats. Caviezel Clotilda ed Mosch-Germann Miachael. Il gi da tgira han en tut 31 catschadurs priu part. Nus havein prestau lavurs vida ils projekts da tgira, ni havein priu ensemen seivs che vevan neginas funcziuns pli. Muort corona era ei buca pusseivel da porscher in gentar comunabel.

Sco orientaziun havein nus planisau per il gi da tgira 2022 ina tgira cun tuts il catschadurs ed catschaduras enzemen. Ils davos onns havein nus adina giu pli pintgas gruppas che fan tgira. Cun quei vulel jeu far in gi da tgira cun la kooperaziun dad il forestaleser dalla Lumentzia.

Per las lavurs da tgira el 2021 havein nus incassau ina summa da 6'733.- Fr.

Sco davos vul jeu engraziar a Vus per il engaschi da tgira per la selvaschina ed la secziun Pèz Ault.

La lavur da tgira ei fetg imputonta per mantener quei bien diember da selvaschina che nus vein en nossas valadas.

Engraziel fetg a vus ed sin seveser

Salids Daniel

Il rapport vegn approbaus unanimamein. Il president Martin Mark engrazia a Daniel Solèr per sia lavur prestada.

**Cau dil stan da sittar:****Rapport sesiun 2021 stan da sittar Bual Vella****Exercezis**

La sesiun da tir ha entschiet ils 22 da matg 2021. En tut han 11 occurrenzas d'exercezis giu liug.

**Tirs**

Ils 14 d'ost 2021 ha il tir intern giu liug. Se partecipai ein 34 tiraduras e tiradurs.

**Munizium**

Tenor lescha eis ei scumandau da duvrar munizium da plum sin catscha. L'uniun ha mess a disposiziun da niev la munizium senza plum RWS. Ei ha denton duvrau in cert temps entochen che la furniziun ha funcziunau.

**Lavurs da manteniment**

Tier las schibas han dus motors electriccs stuiu vegnir remplazzai. Plinavon funcziuneschan ils eschs el stan da schibas buc. Nus essan vidlunder da sclarir la situaziun e sligiar la problematica.

Tier il segapastget ha la batteria stuiu vegnir midada ora.

Durant la sesiun da tir han il cau dil stan e siu substitut cun denteren entgins gidonters segau 8 gadas igl areal entuorn il stan da sittar.

**Corona**

Las mesiras da corona ein vegnidas risguardadas vinavon tenor il concept existent e cun risguardar las reglas ch'ei mintgamai stadas valeivlas.

**Lavur cumina**

Ils 19 da zercladur ed ils 24 da fenadur ei vegniu fatg lavur cumina. Igl ei vegniu migliurau seivs e tagliau caglias, l'emprema gada cun 6 participonts e la secunda gada cun 8. In ni l'auter ei staus presents omisduas gadas. Certins han luvrau cun l'atgna maschina. A tuts, bien engraziament persuenter.

Igl october ei vegniu fatg uorden e rugalau naven il stan per igl unviern.

**Engraziament**

La collaboraziun cun ils responsabels per il stan da sittar ha funcziunau bein ed en general ein ils plans da lavur vegni teni en.

Nus essan visai sin buns gidonters che prestan adina puspei lavur cumina ni segidan autr'uisa. In grond engraziament ad els per la fideivladad e per la buna lavur prestada.

Il cau dil stan Samuel Caviezel

Vrin, december 2021

Il rapport vegn appropaus unanimamein. Il president Martin Mark engrazia a Samuel Caviezel per sia buna lavur.



#### **4. Rendaquen dil cassier, rapport annual dils revisurs ed approbaziun dil quen annual**

Nies cassier Dario Caduff presenta il quen annual. Il quen annual digl onn 2021 terminescha cun entradas da 41'236.10 francs ed expensas da 47'482.88 francs. Aschia seresulta in minus da 6'246.78 francs.

Ils revisurs da quen Marcel Casanova ed Alexi Derungs han scret ch'els hagian controllau il quen annual. Il quen seigi vegnius menaus schuber ed en uorden e tut ils mussaments necessaris seigien avon maun. Els engrazian a Dario Caduff per sia fetg buna lavur. Ils dus revisurs da quen Marcel Casanova ed Alexi Derungs proponan d'approbar il quen.

Sinaquei vegn il quen digl onn 2021 approbaus unanimamein.

Nies president engrazia a Dario Caduff per sia buna lavur.

#### **5. Fixar las contribuziuns annualas**

Martin Mark presenta cuort las contribuziuns annualas:

Commembers A: 100 francs

Commembers B: 55 francs

Commembers passivs: 50 francs

La suprastonza ei dil meini da far neginas midadas.

Propostas ord las retschas dils presents dat ei neginas.

Las contribuziuns fixadas vegnan approbadas unanimamein.

#### **6. Prender conclus davart propostas permauns dalla suprastonza centrala dalla uniun da catschadurs cantunala**

La suprastonza ha neginas propostas permauns dalla suprastonza centrala dalla uniun da catschadurs cantunala. Ei dat era neginas propostas ord las retschas dils presents.





## 7. Approbaziun dil program annual

Il program annual provisoric ei publicaus sin la pagina d'internet dalla secziun.

Program digl onn 2022

- **28-01-2022** radunonza generala a Vella
- **26-02-2022** radunonza da presidents
- **20-04-2022** raduonza dil district, president
- **23-04-2022** di da tgira
- **29-04-2022** radunonza da secziun
- **14-05-2022** radunonza da delegai a Ftan
- **matg - uost** trenament da sittar
- **11-06-2022** sera da catschadurs
- **13-08-2022** tir intern
- **december** raduonza dil district
- **fin december** marcau da daniev a Morissen
- **04-03-2023** sera da catschadurs

Il presents discuteschan davart la munconza digl interess per il tir intern. Ord las retschas vegnan singulas propostas per midadas. La suprastonza vegn a discussiunar, en tgei fuorma ch'il tir intern duei haver liug egl avegnir respectiv sche quel duei insuma aunc haver liug. Il tir intern vegn ad esser ina tractanda a caschun dalla proxima radunonza da secziun.

Il program digl onn 2022 vegn approbaus unanimamein.



## 8. Honoraziuns / mutaziuns

### Honoraziuns

- Commembers che completeschan egl onn current (2021) 60 onns e ch'ei sil pli pauc 25 onns senza interrupziuns commembers dall'uniun cantunala, daventan veterans dall'uniun cantunala, quei ein: Gieri Lombris Vella, Leo Alig Vrin, Gieri Solèr Pitasch
- Commembers ch'ei sil pli pauc 25 onns senza interrupziuns commembers da nossa secziun, daventan veterans da secziun, quei ein: Patric Caduff Zug, Gioni Capaul Vattiz, Gian Marco Casanova Vignogn
- Commembers che completeschan egl onn current (2021) 75 onns e ch'ei sil pli pauc 25 onns senza interrupziuns commembers dall'uniun cantunala, daventan commembers libers, quei ein: Natali Lombris Vella, Arthur Tenz Val

### Mutaziuns

Nus havein dus candidats:

Clotilda Caviezel Surin, Michael Mosch-German Surin

Entradas: Cornelia Caminada Vrin  
Tut ils presents ein d'accord da prender si Cornelia Caminada sco nova commembra da nossa secziun.

Extradas: neginas

Mortoris: Oscar Caviezel Vrin, Mario Furger Domat

Tut ils presents seregordan in mument dils commembers che han bandunau nus per adina igl onn vargau.



## 9. Elecziuns per ina perioda d'uffeci da dus onns

### President

Il president Martin Mark ha buca demissiunau e vala sco proponius.

El vegn reeligiun cun in applaus. L'actuara Vanessa Derungs engrazia ad el.

### Cau da tgira

Il cau da tgira Daniel Solèr ha buca demissiunau e vala sco proponius.

El vegn reeligiun cun in applaus.

### Cassier

Il cassier Dario Caduff ha buca demissiunau e vala sco proponius.

El vegn reeligiun cun in applaus. Il president engrazia ad el.

### Revisur da quen

Marcel Casanova ha buca demissiunau sco revisur da quen.

El vegn proponius e reeligiun cun applaus.

### Suppleant revisur da quen

Sco suppleant revisur da quen vegn Arthur Caduff reeligiun cun in applaus.

### La cumissiun da tgira

La cumissiun da tgira vegn eligida mintg'onn. Ella cumissiun da tgira ein ils suandonts commembers: Simon Camenisch, Bruno Solèr, Lucas Caduff, Gian Marco Casanova, Marco Casanova, Martin Alig e Ramon Caviezel.

Negin dils commembers ha demissiunau. Tut ils commembers vegnan reeligi cun applaus.

Il president engrazia a tut quels ch'ein e restan vinavon en lur uffecis.

## 10. Elecziun dils delegai dalla secziun per il cuoz d'in onn

Quels delegai dalla secziun prendan part alla radunonza dil BKPJV, che ha liug ils 14-05-2022 a Ftan. Conrad Capeder ha interess da prender part a quell'occurrenza. Il president vegn aunc ad ir alla tscherca da silmeins treis ulteriurs commembers ch'ein promts da prender part alla radunonza dil BKPJV.



## 11. Diversas informaziuns

### Brev dalla secziun Crappa Naira davart las explicaziuns da Tarcisius Caviezel

La secziun Crappa Naira ha scret ina brev alla suprastanza centrala dalla Uniun da catschadurs cantunala pertuccont las explicaziuns da Tarcisius Caviezel en la televisiun ed el Catschadur grischun (december 2021) davart la refuorma dalla catscha.

Tgi che ha interess da leger quella, sa s'annunziar tier il president.

### Absenza dil cau da tgira Daniel Solèr

Il cau da tgira Daniel Solèr ei per in onn a Canada. Adrian Casanova surprena las lavurs da tgira cun ils candidats. Dus candidats ein dalla secziun Péz Ault. Cun quei che la secziun Mundaun ha mo in candidat, fa quel ensemen cun nos dus candidats las uras da tgira. Ils presents engrazian ad Adrian Casanova per sia prontadad cun in applaus.

### Loghens da mussar las selvaschinas alla survigilanza

La survigiladra da catscha Pirmina Caminada sa vinavon mesirar ora las selvaschinas en la localitad a Surcasti. Plinavon vegn in local a Tersnaus vitier.

Il survigilader Arnold Caminada ha deponiu tier igl Uffeci da catscha la proposta da far mussar tut las vaccas tscharva, las cauras cavriel e sco tochen da cheu las cauras camutsch. Arnold Caminada spetga aunc la risposta digl Uffeci da catscha en caussa. Sche ei fa da basegns, fuss in ulteriur liug per mussar las selvaschinas a Vattiz avon il local dil cantun.

## 12. Varia

- Sunter la radunonza vegnan las giaccas ed ils librocs reparti ed ils daners vegnan incasai.
- Il survigilader da catscha Arnold Caminada informescha davart las midadas d'asils.
- La brev da Tarcisius Caviezel vegn aunc ina gada cuort tematisada. Tarcisius Caviezel ei ius alla publicitad cun sia brev, senza haver discurre ordavon cun las secziuns, ils presidents ed ils catschadurs. Talas reacziuns san evocar in malruaus e dattan als adversaris la caschun da pretender ulteriuras restricziuns dalla lescha da catscha.
- Il president Martin Mark engrazia a tuts e terminescha la radunonza allas 20.47 uras. Il president retscheiva in applaus.

Vella, ils 01 da fevrer 2022

L'actuara

Vanessa Derungs